



Rabu, 22 November 2023

Ogen: Hakim-hakim 11:22-35



“Kekerasan Man Diberu”



Kai ateta jadi man diberu-diberu arah tema paksa tenengta wari enda? gelah diberu-diberu lanai ngaloken kekerasan subuk arah perbulangen, keluarga, teman bage pe masyarakat entah gelah diberu-diberu ndatken keadilan rikut pe ras ketenangen rukur i bas ndalani kegeluhen? Mari sigargari pusuh perukurenta kerna kai kin sura-suranta nandangi temanta sekali enda. Sadar entah la sadar kita, justru kita pe menjadi pelaku kekerasan nandangi temannta si diberu. Contohna: lit si erdahinta i rumah entah i juma, megati nge la si sadari kita nggo nindas ia dengen la adil man bana; siarapken tenagana lako nampati kita tapi megati upah sibereken la sesuai ras tenaga si nggo iberekenna; si metua entah permian la ngergaken sada ras sidebanna (si metua ate-atenana mperlakukan permianna bage pe si permian kurang ngergaken si metuana). Hal enda megati denga terjadi bas kegeluhenta selaku kita Moria. Kekerasan e lit denga jadi i sekelewetta seh bas paksa enda.

Paksa tenengta enda mabai kita segelah reh sadarna dengen reh mediate kempak kegeluhen teman-temannta moria, radu ras kita mperjuangkan hak-hak teman-temanta di kune ialamina ketidakadilan entah pe kekerasan i bas geluhna. Gelah ula jadi bagi pengalemen Jepta i bas ia mulih ku Mispa. Jadilah kita teman si mediate nandangi persoalan si ihadapi temanta; adi kidekah enda megati kita menjadi pelaku kekerasan nandangi sesama diberu, si perobahi lagu langkahta. Adi selama enda kita jadi korban tindakken kekerasan arah perbulangen, keluarga, teman bage pe masyarakat ngerana kita man pihak si banci nampati; misalna ku komisi Perempuan dan anak entah pe ku teman moria si kin ia mengerti ras mediate kerna dirinta. Wari enda anti kekerasan man diberu, mari si gaungken ras-ras.